



HANAQ PACHAMANTA YANAPAKUY

**WATSON GOODMAMPA
RURASQAN**

**Manam rantipaqchu —
Aypunallapaqmi**

HANAQ PACHAMANTA YANAPAKUY

“HANAQ PACHAMANTA YANAPAKUY”, sa-pakama yachachikuypaq Bibliamanta textokuna akllasgam. Chuya Qillqamanta sumaq rimaykunaqa tarikun kikin Bibliallapim.

Diospa Siminqa “Altomantam hamun” kaymi Justiamanta yakunayasqakunapaq yarqasqa sunqukunapaq-pas manchay allin yanapakuy. Runam arrepientikuruspanqa, huchata qunqan, Señor Jesucristotam niykun sunqunmamña yaykunampaq, hinaspam iñin Jesucristo Salvaqnin kasqanta; Señormi payman rikuriykun, hinaspam iñiq sunquman Kusikuyninta hawkayaytawan quykun. Ñuqam kayta tarirqani 1937 watapi, chaymanta pacham Señorniywan comunicayta manapuni dejarqanichu. Chaymi qampas manaraq Señorman entregakuspaykiqa, chayllapuni chaskikuykunayki salvaqnikita Señornikita hina.

— Watson Goodman

Romapi kaqkunaman 5:8

Diosmi ichaqa, ñuqanchik huchasapa kachkaptinchikraq Cristopa wañupuwaspachikwan, kiki-
kimpa kuyakuyninta kachipuwanchik.

Rikurichisqa 1:5

Confiana testigo, wañusqakunamanta piwi kaq, kay pacha reykunapa kamachikuqnin Jesucristomantawan. Kay kuyawaq-
ninchikman, yawarninwan huchanchikkunamantapas mayllawaqninchikman.

Jeremiaspa 31:3

Jhovam unay watakuna ñawpaqmantaña ñuqaman rikuchiku-

warqa, kaynata nispan: Wiñaypaq kuyakuywanmi kuyaruyki, chayraykum qampaq kuyapayakuyniy hinalla kachkan.

Juampa 3:16

Diosqa runakunatam kuyarqa, sapallan Churinta qumunankama, pipas paypi iñiq mana puchukanampaq, aswan wiñay kawsayniyuq kanampaq.

Juampa 13:1

Pascua fiestapa ñawpaqnintam, Jesus, kay pachamanta Taytaman pasakunampaq hora chayaramusqanta yachaspan, kay pachapi kaqmasinkunata, kuyakurusqanraykutaq, kuyarqa tukupaykama.

Juampa 1:1 y 14

Qallariynimpim Simi karqa, Simitaqmi Dioswan karqa, Simitaqmi Dios karqa. . . Simim runayarurqa, hinaspam graciantin chiqapnintin huntayuq ñuqayku ukupi yacharqa; chaymi rikurqaniku qapaq kayninta, Taytapa sapallan churyasqampa qapaq kayninta hina.

Juampa 14:9, 10a

Jesusmi contestarqa: ¿Unayña-taq qamkunawan kasqayqa, manaraqchum riqsiwanki Felipe? Rikuwaqniyqa Taytatam rikurun;

¿imaynampitaq qamqa ninki: Taytata rikuykachiwayku, nispa? ¿Manachum creenki ñuqa Taytapi kasqayta, Taytataq ñuqapi kasqanta?

Mateopa 1:22, 23

Tukuy kaymi pasarqa Señorpa profetawan: Mana qari riqsiq sipasmi wiksayakunqa, hinaspam wachakunqa huk qari wawata, hinaptinmi sutichanqaku Emanuelwan, nispa rimasqan simi huntakunampaq; Emanuel tikrasqam: Diosmi ñuqanchikwan ninan.

Juampa 10:36

¿Tayta consagraspan kay pachaman kachamusqanta ninkichik: ¡Mana allintam ninki! nispa, Diospa Churinmi kani, nisqayrayku?

Isaiaspa 9:6

Huk qari wawana nacerapuwanchik, churim qusqa karapuwanchik, kamachikunantaqmi hambrompi, sutinmi kanqa Admirakuypaq kaq, Consejakuq, Atiyniyuq Dios, Wiñay Tayta, Hawkayaymanta Kamachikuq.

Mateopa 17:5

Pay rimachkaptinraqmi, paykunata huk kanchariq puyu pakaykururqa; hinaspan puyuman-

ta huk voz nimurqa: Kaymi Churiy, Kuyasqay, paypim contentakuni; payta uyariychik.

Colosasman 2:9

Paypiqa cuerpopim yachan Dios kaypa ilapa hunta kaynin.

Mateopa 3:17

Huk vozñataqmi hanaq pachamanta nimurqa: Kaymi Churiy, Kuyasqay, paypim contentakuni, nispa.

Lucaspa 1:35

Angelñataqmi contestaraq: Chuya Spiritum hamunqa qampa hawaykiman; Alto-altopi Kaqpa atiyninñataqmi Ilantuykusunki; chaymi chuya naceqpas Diospa Churinwan sutichasqa kanqa.

Juampa 13:13

Qamkunam: Yachachiqníy, Señorníy, niwankichik allintam ninkichik, chaymi kani.

Juampi 6:35

Jesusmi contestarqa: Ñuqam kani kawsay tanta; pipas ñuqaman hamuqqa manapunim yarqachikunqachu, pipas ñuqapi iñiqqa manapunitaqmi haykappas yakunayachikunqachu.

Juampa 8:23

Hinaptinmi pay nirqa: Qamkunaga kankichik uraymantam, ñuqañataqmi kani hanaymanta; qamkunaga kankichik kay pachamantam, ñuqañataqmi mana kay pachamantachu kani.

Juampa 11:25

Chaymi Jesus nirqa: Ñuqam kani kawsarimuyqa, kawsaypas; ñuqapi iñiqqa wañuruchkaspapas kawsanqam.

Juampa 8:58

Hinaptinmi Jesus contestarqa: Chiqapta, chiqaptam niykichik, manaraq Abraham kachkaptinmi, ñuqaqa kani.

Juampa 9:5

Kay pachapi kachkaspayqa, runakuna kanchaqmi kani.

Juampa 10:7

Chaymi huktawan Jesus nirqa: Chiqapta, chiqaptam niykichik, ñuqam kani ovejakunapa punkun.

JESUSPA WAKIN MILAGRO RURASQANKUNA 5

Mateopa 20:34

Hinaptinmi Jesus, kuyapayari-kuspa, paykunapa ñawinta llach-paykurqa, chaymi hina ratollapi qawarikururqaku, hinaspam payta qatikurqaku.

Mateopa 14:19-21

Hinaspam runakunata pastopa hawanman tiyaykunankupaq kamarachispa, pichqan tantata iskay challwantinta hapiykurqa; hinaspam hanaq pachata qawariykuspa, allinchaspa ima, pakistin tantakunata qurqa discipulonkunanaman. kaykunañataq runakunaman. Chaymi llapallanku mikuruspan saksarurqaku, hinaspam puchuq pakikunamanta hu-

qarirqaku chunka iskayniyuq canastilla huntata. Mikuqkunam, mana warminkunantin wawakunayuq, pichqa waranqa hina qarrikuna karqa.

Lucaspa 5:4-6

Rimayta tukuruspa, Simonta nirqa: Ukun kaqman apaykuspa wischuykuychik Ilikaykichikkunata challwanapaq. Hinaptinmi Simon confestarqa: Taytáy, tukuy tuta pisipamuchkaspam mana ima niraqtapas hapimunikuchu; aswanqa nisqaykiman hina wischuykusaq Ilikata. Kayta ruraruspam achkasullaña challwakunata wichqarurqaku, hinaptinmi Ilikampas Ilikirikurqa.

6 JESUCRISTOM UNANCHAQ SEÑOR IMA

Paywanmi tukuy ima unanchasqa karqa, hanaq pachapi kaqkunapas, kay pachapi kaqkunapas, rikunapas mana rikunapas; trono kaqkunapas otaq munaychakuqkuna otaq kama-chikuqkunapas, otaq atiyuniyuq kaykunapas; paywanmi paypaqtaqmi tukuy imapas unanchasqa karqa. — Colosaman 1:16

Colosaman 1:9

Diosqa confianam, paypa qayasqantaqmi karqanchik, Churin Señorinchik Jesucristowan huklla kayman.

Apostolkunapa rurasqan 2:36

Ciertotapuni yachachun Israel-pa llapallan qatinqinkuna, kay

qamkunapa chakatasqaykichik Jestusta, Señorpaq, hinaspa Cristo paqwan Diospa churasqanta.

Juampa 1:3

Tukuy imakunam paywan rikurirqa, ima rikuriqpas mana paywanqa manam rikurirqachu.

Romapi kaqkunaman 14:9

Cristoqa kaypaqmi wañuspa kawsarimurqa, wañuqkunamantapas kawsaqkunamantapas munaychakunampaq.

Hebreokunaman 1:2

Kay qipa punchawkunatam rimaruwanchik Churinwan; paytam tukuy ima herencia chaskiypaq churarun, paywantaqmi allpa pachakunatapas rurarqa.

JESUCRISTOM LLAPAMPA JUEZNIN

7

Romapi kaqkunaman 14:10

Qamqa, ¿imanasqataq wawqikita juzganki? Qampas, ¿imanasqataq wawqikita desprecianki? Llapallanchikmi rikurisun Cristopa juzganampa ñawpaqnimpi.

2 Timoteoman 4:1

Ñuqam sunquwan testificayki Diospa, kawsaqkunapas wañuqkunapas juzgaq Señor Jesucristopa ima qayllampi, paypa rikurimuyninrayku hinaspa reinonrayku.

Apostolkunapa rurasqan 10:42

Hinapfinmi pay kamachiwarqaku runakunaman predicanaykupaq, hinaspa kawsaqkunapa-

pas, wañuqkunapapas Diospa citasqan Jueznin paypa kasqanmantata sunquwan testificanaykupaq ima.

Romapi kaqkunaman 2:16

Evangelioyman hina runakunapa pakasqankunata, Diospa Jesucristowan juzganan punchawpi.

Mateopa 25:31, 32

Runamanta Naceq, llapa angelkunapiwan, qapaq kaynimpi hamuspanmi, tiyaykunqa qapaq kaynimpa tronompi; hinapfinmi paypa ñawpaqninman huñumusqa kanqa llapallan runakuna; chaymi huk michikuq cabrakunamanta ovejakuna rakiq hina, wakinkunamanta wakinkunata rakinqa.

8 JESUCRISTOLLAWANMI RESCATASQA KAY

Juampa 10:9

Ñuqam kani punku; pipas ñuqan yaykuqqa, salvom kanqa; himaspam yaykunqa, llusinqa, pastotataq tarinqa.

Titoman 2:14

Paymi qukurqa kikillan ñuqanchikrayku, tukuy mana leyman hina ruraykunamanta rescatawananchikpaq, hinaspa kikimpaq runakuna kapuqta, sumaq ruraykuna sientiqa ima limpianampaq.

I Tesalonicapi kaqkunaman 5:9

Diosqa manam piñakuypaqchu rurawarqanchik, aswan Señor-ninchik Jesucristowan salvasqa kayta tarinanchikpaqmi.

Juampa 8:24

Chayraykum nirqaykichik huchaykichikpi wañunaykichikmantata; ñuqapa kasqayta mana creespaykichikqa, huchaykichikpim wañunkichik.

Apostolkunapa rurasqan 4:12

Hukpiqa manam kanchu salvo kay, cielopa uraynimpiaq manataqmi huk sutipas kanchu, runakunaman qusqa chaypi salvo kanchikpaq.

Hebreokunaman 7:25

Chayraykum lliwpaq salvayta atin paywan Diosman asuykuqkunata, paykunapaq tukuy tiempo mañakunampaq kawsaspan.

JESUCRISTOWANMI RESCATASQA KAY 9

1 Corintopi kaqkunaman 1:30

Qamkunaqa paypam kankichik Cristo Jesuspi, paymi Diosmanta yachay, justo kay, chuya kay, rescatasqa kay ima karapuwanchik.

Colosapi kaqkunaman 1:12-14

Kanchaypi chuyakunapa herencianmanta tupaqnuyuq kanapaq hina rurawaqninchik Taytaman graciasta quspa; paymi tutayaypa munaychakuyninmanta libraruwanchik, hinaspam astaruwanchik kuyasqa churimpa reinonman; paypim kapuwanchik yawarninrayku rescatasqa kay, huchakuna pampachaypas.

Juampa 14:6

Jesusmi contestarqa: Ñuqam kani ñan, chiqappas, kawsaypas; Taytamanqa manam pipas hamunchu, mana ñuqanta kaspaga.

Romapi kaqkunaman 3:24

Mana imaraykulla, graciawan, Cristo Jesuspi rescataywan justificasqa kaspanku.

Rikurichisqa 5:9

Hinaspam musuq takita takir-qaku: Qamqa libro chaskiqqaq, sellokunapas kichaqpaq hinam kanki; qamqa wañuchisqam karqanki, hinaspam Diospaq rantiwarqankiku yawarnikiwan Ilapa ayllukunamanta, runakunamanta, nacionkunamanta ima.

Efesopi kaqkunaman 1:7

Paypim kapuwanchik yawarninwan rescatasqa kay, graciampa tesoronman hina huchallikuykuna pampachay.

Hebreokunaman 9:14

¿Ima aswantaq Cristopa yawarnin, kay wiñay Espirituwan kikillan Diosman mana faltayuq qukuqqa, limpianqa concienciaykichikta wañuypaq ruraykunamanta kawsaq Diosta servinaykichikpaq?

1 Pedropa 1:18, 19

Tayta-mamaykichikpa costum-brempi yanqa comportakuynichikmanta, mana qullqi quri hina

tukuq kaqkunawan, aswan mana faltayuq mana qanrayuq chitapa hina Cristopa precioyuq yawarninwan rescatasqa kasqaykichikta yachastin.

Romapi kaqkunaman 5:9

Yawarnimpi kunan justificasqa kachkaspanchikqa, astawampunim paywan salvasqa kasun piñakuymanta.

1 Juampa 1:7

Aswan paypa kanchaypi kasqampi hina kanchaypi purispanchikqa huklla kayninchikmi kapuwanchik hukninchikmanta hukninchikpaq, Churin Jesucristopa yawarninñataqmi tukuy huchamanta limpiawanchik.

CRISTOPI IÑIYLLAWANMI SALVASQA KAY 11

Juampa 6:28, 29

Hinaptinmi nirqaku: ¿Imatataq rurasqaku Diospa rurasqankuna ruranaykupaq? Jesusñataqmi con-testarqa: Kaymi Diospa ruras-qanqa, paypa kachamusqan kaqpi qamkunapa ñiynikichik.

Juampa 20:31

Kaykunam ichaqa qillqasqa, qamkuna Jesus Diospa Churin Cristo kasqanta creenaykichik-paq: creespaykichiktaq, sutimpi wiñay kawsayniyuq kanaykichik-paq.

Romapi kaqkunaman 5:1

Chaymi ñiymanta justificasqa, Diosman hawkayayniyuq kanchik Señorinchik Jesucristowan.

Galaciapi kaqkunaman 5:6

Cristo Jesuspiqa manam ima-paqpas servinchu kuchunkasqa kaypas, nitaq mana kuchunkasqa kaypas, aswan kuyakuywan obraq ñiymi.

1 Juampa 5:4

Diospa llapallan churyasqan-qa kay pachatam vancen; kay pacha venceruq vanceyqa kaymi, ñiyninchik.

Efesopi kaqkunaman 2:8, 9

Graciaraykum salvasqaqa kan-kichik ñiyan; kayqa manataq-mi qamkunamantachu, Diospa qukuyninmi; manam ruraywan-chu, mana pipas alabakunampaq.

Salmos 103:17

Jhovapa kuyapayakuyninmi ichaqa manchakuqninkunapaq wiñaymanta wiñaykama, justiciampas churinmanta churinkunakama.

Miqueas 7:18

¿Ima Diostaq qamina, mana leyman hina rurasqa pampacha; herenciampi puchuqkunapa huchampas qunqaq? Piñakuynintaqa manam wiñaypaqchu waqaychan, kuyapayakuypi quchukusqanrayku.

Titoman 3:5

Salvaruwanchikqa, manam justo kaypi ruraykuna rurasqanchik-

raykuchu, aswanqa kuyapayakuyninman hinam, musuqmanta ruraypa mayllakuyninwan, Chuya Espiritupa musuqyachikuyninwan ima.

Salmos 103:11

Kay pachamanta cielopa alto kasqanman hinam, manchakuqninkunapaq kuyapayakuyninta hatunyarachin.

Lamentacion 3:22, 23

Jhovapa kuyapayakuyninraykum mana tukuruwankikuchu, paypa kuyapayakuyninqa manam haykappas pisirqachu. Sapa tuta-mantam musuq; mayna confiana-paqmi kallanki.

PAYMAN RINANCHIKPAQMI DIOS QAYAWANCHIK 13

Mateopa 11:28

**Hamuychik ñuqaman llapallay-
kichik pisipasqakuna, qipichisqa-
kuna, ñuqam samachisqaykichik.**

Isaiaspa 1:18

**Hinaspa hamuychik, ninmi Je-
hova, entiendeykanakusunchik;
huchaykichikqa grosella hinapas
kachun, riti hinam yuraqyachisqa
kanqa; Guinda hina pukapas ka-
chun, yuraq millwa hinam riku-
rinqa.**

Isaiaspa 55:1

**Llapa yakunayachikuqkuna:
Yakukunaman hamuychik; mana
qullqiyuqkuna, hamuychik, ran-**

**tiychik hinaspa mikuychik. Ha-
muychik, mana qullqillawan, ma-
na preciollawan rantiychik, vino-
ta lechetapas.**

2 Corintopi kaqkunaman 5:20

**Chaynaqa, Cristopa rantimpi
atiychasqakunam kaniku, ñuqay-
kuwampas Dios ruegoakuchkan-
man hina: Cristopa rantimpim
ruegoakuykiku: Allimpaychik Dios-
wan.**

Rikurichisqa 22:17

**Chaymi Espiritupas Noviapas:
Hamuy, ninku. Uyariqñataq: Ha-
muy, nichun. Yakunayachikuqqa
hamuchun; munaqqa, kawsay ya-
kuta chaskichun mana imallapaq.**

14 MANAM LLAPALLANCHU DÍOSPA CHURIN

1 Juampa 3:10

Kaypim riqsichisqa Diospa churinkunapas, supaypa churinkunapas; pipas justo kaq mana ruraqqa manam Diosmantachu, chaynataqmi mana wawqin kuyaqpas.

2 Corintopi kaqkunaman 6:17, 18

Chayrayku: Paykuna ukumanta lluqsiychik, hinaspa rakikuychik, ninmi Señor; ama llachpaychikchu millay kaqkunata, hinaptinmi ñuqa chaskisqaykichik, hinaspam kasaq Tayta qamkuna-paq, qamkunañataqmi qari churiykuna, warmi churiykuna kanchik, ninmi Tukuy Atiyniyuq Señor.

Romapi kaqkunaman 8:14, 15

Llapallan Diospa Espiritumpa pusasqan kaqkunaqa, Diospa churinmi. Manam criado kaypa Espirituntachu chaskirqankichik, kasqallan manchakuypaq, aswan churiyachisqa kaypa espírituntam chaskirqankichikqa, kaypim: Abba, Taytáy, nispa vozinchikta huqarinchik.

Filipospi kaqkunaman 2:15

Waqlisqa pantachisqa miraypa chawpimpi mana faltayuq Diospa churin, mana huchachasqa limpio sunqu ima kanaykichikpaq; chaykunapim kancharinkichik kay pachapi akchi hina.

Romapi kaqkunaman 13:13, 14

Punchawpi hina purisun, respetaypaq kaqpi; ama fiestakuykunapichu nitaq machakuykunapichu, ama huchapakuykunapichu nitaq viciokunapichu, ama liryanakuypichu nitaq sientikuypichu; aswan Señor Jesucristomanta pachakuychik, hinaspa ama aychapa sinchi munaynimpaq rurayta yuyakuychikchu.

Galaciapi kaqkunaman 5:19-21

Riqsisqataqmi aychapa rurayninkunaqa, kaykunam: Waqllikuy, huchapakuy, qanra kay, viciopi kay, imagen serviy, layqakuy, enemigo kaykuna, liryanakuykuna, sientikuykuna, piñakuykuna, rakinakuykuna, sapaqchanakuykuna, partidokuna, envidia-kuna, runa wanuchiykuna, machakuykuna, fiestakuykuna, hinaspa kaykunaman rikchakuqkuna; kaykunamantam ñawpaqmantan niykichik, huk tiempopi willasqayta hina, chaynakuna ruraqqa manam Diospa reinonta herencia-pi chaskinqachu.

Proverbios 23:31, 32

Vino pukayariptin, vasopipas kanchariptinqa, ama qawaychu, llampullatam yaykuykun, tukupaynimpipiñataqmi machaqway hina kachukun, venenoyuq machaqway hinam nanachikun.

16 MANAM CHIQAP SUNQU KAYLLAPAQCHU

Marcospa 10:17-22

Pay ñanman llusiruptinmi, huk kallpaykurqa, hinaspam payman qunqurakuykuspa tapurqa: Allin Yachachikuq ¿imatataq rurasaq wiñay kawsay herencia chaskinaypaq? Jesusmi contestarqa: ¿Imanasqataq allin niwanki? Manam pipas allinchi, aswan hukllam, chaymi Dios. Yachankim kamachikuykunata: Amam waqllikunkichu; amam wañuchinkichu; amam suwakunkichu; amam yanqata testificankichu; amam engaňankichu; tayta-mamaykitam yupaychanki, niqkunata. Paymi contestarqa: Yachachikuq tukuy kaykunatam waqay-

charqani joven kayniymanta pachacha. Hinaptinmi Jesus payta qawaykuspa, kuyarqa, hinaspam nirqa: Hukmi faltasunki; riy vendemuy tukuy kapuqniki, wakchakunaman qumuy, hinaptinmi hanaq pachapi tesoroyki kapusunki; kutimuspaykitaq cruznikita apastin qatiway. Payñataqmi kay simikunawan hukmanyaruspan llakisqa pasakurqa, achka allpayuq kasqanrayku.

Mateopa 22:37 38

Jesusmi contestarqa: Señor Dios-nikitam kuyanki tukuy sunquykiwan, tukuy almaykiwan, tukuy yuyaynikiwan ima. Kaymi ñawpaq kaq hatun kamachikuy.

Santiagopa 1:22

Simipa nisqan ruraq kaychik, ama kikillaykichik engañakuspa uyariqlachu.

Efesopi kaqkunaman 5:6

Ama pipas engañasunkichichu yanqa rimaykunawan; kaykunamantaqa Diospa piñakuyninmi hamun mana kasukuymanta kaqkunaman.

1 Corintopi kaqkunaman 6:9, 10

¿Manachum yachankichik mana justokunapa Diospa reinon mana herenciapi chaskinanta? Ama pantachisqachu kaychik; manam, ni huchapakuqkunapas, ni imagen serviqkunapas, ni waqllikuqkunapas, ni maqllunkuna-

pas, ni maqllunman yaykuqkunapas, ni suwakunapas, ni apuyay kuyaqkunapas, ni machaqkunapas, ni kamikuqkunapas nitaq qichukuqkunapas, Diospa reinontaqa herenciapi chaskinqachu.

1 Juampa 3:7, 8a

Churillaykuna, ama pipapas pantachisqanchu kaychik; justo kaq ruraqqa justom, paypa justo kasqanta hina. Hucha ruraqqa supaypam; supay qallariyninmanta pacha huchallikusqanrayku.

Galaciapi kaqkunaman 6:3

Pipas mana imapas kachkaspam, imapas kasqanta piensaspanqa, kikillanmi engañakun.

Proverbios 11:19

Imaynam justo kay kawsayman apakun, chaynataqmi mana allin qatipapas wañuyman kallpaykun.

Ezequielpa 18:20

Huchallikuq runaqa, chaymi wañunqa; manam churichu taytampa huchanta apanqa, nitaqmi taytachu churimpa huchanta apanqa; justopa justo kaq rurasqanqa paypaqmi kanqa, huchasapapa hucha rurasqampas paypaqtaqmi kanqa.

Romapi kaqkunaman 5:12

Chayraykuqa, chullalla runawan hucha, huchawantaq wañuy, kay pachaman yaykumusqampi

hinam, chaynataq wañuy pasarun llapallan runakunaman, llapallan huchallikusqanrayku.

Romapi kaqkunaman 8:6, 7

Aychapa yuyayninga wañuy-mi, Espiritupa yuyayninñataqmi kawsay hawka kaypiwan. Chaymi aychapa yuyayninga Dioswan enemigo kay, Diospa leyninmanqa manam kasukunchu, nitaqmi atinmampaschu.

Lucaspa 15:32

Ichaqa kay wawqiki wañusqa kachkaspas kawsariramusqanraykum, chinkasqa kachkaspas tarimusqa kasqanrayku imam, quchukuspa kusikuna karqa.

Lucaspa 7:14, 15a

Hinaspam asuykuspa aya wantunata llachpaykuptin, apaqnin-kuna sayaruptintaq nirqa: ¿Joven, ñuqam niyki, hatariy! Hinaptinmi wañuq hatariruspa, rimayta qallarirqa.

Juampa 11:43, 44

Kayta niruspam, hatun vozpi qaparirqa: Lazaro, hamuy hawaman. Hinaptinmi wañuruq llusqsimurqa, chakin makin wankunawan wankusqa, uyampas tocawan maytuykusqa. Chaymi Jesus nirqa: Paskaychik hinaspa dejaychik rinanta.

Rikurichisqa 1:18

Ñuqa kawsaqmi; wañusqam karqani, qaway, kawsanim wiñawañaypaq, amen; ñuqataqmi hapini uku pachapa wañuypa ima llavenkunatapas.

Juampa 10:17, 18

Chayraykum Tayta kuyawan, kasqallan kutichikunaypaq, kawsayniy churasqayrayku. Manam pipas qichuwanchu, aswan kiki-llaymantam churani. Atiyniyuqmi kani churanaypaq, atiyniyuqtaq kasqallan kutichikunaypaqpas. Kay kamachikuytam chaskimuni Taytaymanta.

Deuteronomio 5:7-21

Amam huk dioskuna qayllaypi kapusunkichu. Amam alto cielopi kaqmanta, nitaq kay uray pachapi kaqmanta, nitaq allpa uku yakukunapi kaqmanta imagenninta, nitaq tallasqa imagenkunatapas rurankichu. Amam chayman kumuykukunkichu, nitaq servinkichu. . .

Amam yanqamanta Jehova Diosnikipa sutinta huqarinkichu; Jehovaqa yanqamanta sutin huqariqtaqa huchayuqpaqmi hapinqa.

Jehova Diosnikipa kamachisusqaykita hinam, samana punchawta yupaychanaykipaq waqaychan-

ki. Suqta punchawmi llamkanki, llapa ruranaykikunatapas ruranki; qanchis kaq punchawmi ichaqa Jehova Diosnikipaq samakuy; amam ima ruraytapas rurankichu.

Jehova Diosnikipa kamachisusqaykita hinam, tayta-mamaykita yupaychanki, Jehova Diosnikipa allpa qususqaykipi punchawnikikuna unay kanampaq, hinaspa allin kasunaykipaq.

Amam wañuchinkichu.

Amam waqllikunkichu.

Amam suwakunkichu.

Amam runamasikipa contrampi yanqamanta testificankichu.

Amam runamasikipa warminta

**munapayankichu, nitaq runama-
sikipa wasinta, nitaq allpanta,
nitaq criadonta, nitaq criadanta,**

**nitaq bueyesninta, nitaq asnonta,
nitaq runamasikipa ima kapuq-
nintapas.**

MANAM PIPAS DIOSMANTAQA PAKAKUNMANCHU 21

Proverbios 15:3

**Jhovapa ñawinqa tukuy hinas-
timpim kachkan, mana allinku-
natapas allinkunatapas qawaspan.**

Salmo 139:8, 12

**Hanaq pachakunaman wicha-
riptyqa, qanmi chaypi kachkan-
ki; chakiypa samananta Seolpi
ruraptiypas, kayqaya, qanmi
chaypi kachkanki. . . . Tutayaypas
qanmantaqa manam pakanchu,
tutam punchaw hina kanchariy-
kun; qampaqqa tutayaypas kan-
chaypas hina kaqlam.**

Job 34:21, 22

**Diospa ñawinqa runakunapa
ñanninkunapim, llapallan ichis-
qankunatam qawan. Mana allin
ruraqkunapaqqa manam kanchu
tutayay nitaq wañuy llantupas
pakakunampaq.**

Lucaspa 8:17

**Manam ima pakasqapas kan-
chu mana rikurichisqa kanam-
paqqa, nitaq ima upallasqapas
kanchu, yachasqa kachkaspan,
mana kanchayman hamunam-
paqqa.**

22 HUCHASAPAKUNAM WIÑAYPAQ CONDENASQA

Mateopa 25:46

Hinaptinmi kaykuna ringa wiñay castigoman, justokunañataqmi wiñay kawsayman.

Mateopa 13:41, 42

Runamanta Naceqmi angelninkunata kachamunqa, hinaptinmi reinonmanta huñumunqa lliw urmachikuqkunata, mana leyman hina ruraqkunatawan, hinaspam wischunqa ninayuq hornoman; chaypim kanqa waqay, kiru kirichichichiypas.

Mateopa 18:8

Makiki otaq chakiki urmachisuptikiqa, kuchuruy hinaspa wischuy qanmanta; allinmi qampaq mana puriy atiq otaq mana ma-

kiyuq kawsayman yaykuyniki, iskay makiyuq otaq iskay chakiyuq, wiñay ninaman wischusqa kanaykimantaqa.

Rikurichisqa 20:15

Pipas kawsaymanta libropi mana qillqasqa tarirusqañataqmi, nina quchaman wischusqa karqa.

2 Tesalonicapi kaqkunaman 1:9

Kaykunam justiciata chaskinqa, wiñay tukusqa kayta, Señorpa qayllanmanta, atiynimpa qapaq kayninmanta ima hawapi.

Salmo 9:17

Mana allinkunaqa uku pachamanmi astasqa kanqa, Dios qunqaq llapallan runakunaqa.

Kaypim qispichisqa karun kuyakuyqa ñuqanchikwan, juicio punchawpi confianzayuq kananchikpaq, paypa kasqanta hina ñuqanchikpas kay pachapi kasqanchikrayku. — 1 Juampa 4:17

Hebreokunaman 9:27

Kaypas huk kuti wañuy, kaypa qipantañataq juicio, runakunapaq churasqa kasqanman hinam.

Romapi kaqkunaman 14:12

Chaynaqa, ñuqanchikmanta sapakamam Diosman cuentata qunqa kikinmanta.

2 Pedropa 2:9

Señorqa yachanmi, Dios yuypaychaqkuna pruebasqa kaymantalibrayta, mana justokunatapas

castigasqata juicio punchawpaq waqaychayta.

**Apostolkunapa rurasqan
17:30, 31**

Huk citasqa qariwan kay pachapi yachaqkunata justo kaq runaywan juzganampaq, huk punchawta churasqanraykum, payta wañusqakunamanta kawsarichisqanwan llapallampa creenankuta ruraron.

2 Corintopi kaqkunaman 5:10

Cristopa juzganampa ñawpaqinmanqa llapallanchikmi rikurichisqa kananchik, sapakama, cuerpowan allintapas otaq mana allintapas rurarusqanchikman hina, chaskinapaq.

Titoman 3:7

Graciawan justificasqa kaspanchik, wiñay kawsaypa confianzanman hina herencia chaskiq kananchikpaq.

Romapi kaqkunaman 9:16

Chaynaqa manam munaqmantachu, nitaq kallpaqmantachu, aswan kuyapayakuq Diosmantam.

1 Pedropa 5:5b

. . . Diosqa paytukuqkunapa contrampim churakun, humildekunamanñataqmi graciata qun.

Romapi kaqkunaman 5:15

Qukuymi ichaqa mana huchallikuy hinachu, kay chullallapa huchallikuyninrayku achkaq wañuruchkaptinqa, aswansutam Je-

sucristo sapallan runapa graciampiq, Diospa gracion qukuynintin llimparirqa achkaqpaq.

2 Corintopi kaqkunaman 8:9

Yachankichikñam Señorinchik Jesucristopa graciata, apu kachkaspa, qamkunarayku wakchayarusqanta, qamkuna paypa wakcha kayninwan apuyachisqa kanaykichikpaq.

2 Corintopi kaqkunaman 9:15

Diosman gracias kachun mananiy atina qukuyninmanta.

Apostolkunapa rurasqan 4:33

Hinaptinmi apostolkuna hatun atiywan testificakuq Señor Jesuspa kawsariyninmanta; llapallankupitaqmi sinchi gracia karqa.

**Apostolkunapa rurasqan
17:30, 31b**

Diosmi, mana yachay tiempo-kunata pacienciaykuspan; kunan willan tukuy hinastimpi llapallan runakunaman arrepientikunampaq.

2 Corintopi kaqkunaman 7:10

Diosman hina llakiqa, mana ñakakuna salvasqa kaypaq arrepientikuytam qispichin; kay pachapa llakinñataqmi qispichin wañuyta.

Apostolkunapa rurasqan 3:19

Chaynaqa arrepientikuychik, hinaspa Diosman kutirikuychik, huchaykichik borrasqa kanampaq, chaynapi Señorpa qayllan-

manta kawsarichikuy tiempokuna hamunampaq.

Mateopa 3:2

Arrepientikuychik, hanaq pachareinom hichpaykaramun.

Lucaspa 13:3

Ñuqam niykichik, manam chaynachu; aswan qamkunapas mana arrepientikuspaqa, llapallaykichikmi chaynata puchukan-kichik.

Ezequielpa 18:31

Huchallikuspa mana kasukus-qaykichikkunata wischuychik, hinaspa musuq sunquta musuq espiritutawan rurakuychik. Israel ayllu ¿imanasqataq wañuwaqchik?

Marcospa 2:5

Hinaptinmi paykunapa iñiyninta Jesus qawaykuspan, nirqa suchuta: Churi, huchaykikunam pampachasqa karapusunki.

Mateopa 6:14

Qamkuna runakunata huchallikuyninmanta pampachaptikichikqa, hanaq pacha Taytaykichikpas pampachasunkichiktaqmi qamkunata.

Ezequielpa 18:21

Aswan huchasapa llapa hucha rurasqankunamanta rakikuspa, llapa decretoykunata waqaychanqa; derechoman justo kayman hina ruraspaqa, kawsanqapunim; manam wañunqachu.

Apostolkunapa rurasqan 5:31

Kaytam Dios alliqninwan hugarirun; Kamachikuqpaq Salvaqpaqwan, Israelman arrepientikuy, hinaspa huchakunamanta pampachasqa kaytawan qunampaq.

Rikurichisqa 3:20

Qaway, ñuqam punkupi sayachkani hinaspa takachkani; pipas vozniyta uyariwaspa punkuta kichaykuptinqa, paymanmi yaykusaq, hinaspa paywan censaqa, payñataqmi ñuqawan.

Apostolkunapa rurasqan 13:38

Qamkunaman yachasqa kachun, wawqiy qarikuna, payrayku huchakuna pampachay qamkunaman willasqa kasqan.

KAY PACHAPA KAQNINKUNAMANTA RAKIKUY 27

Isaiaspa 1:16

Mayllakuychik, limpiakuychik; ñawiypa qayllanmanta mana allin rurasqaykichikkunata wischuychik; mana allin rurayta dejaychik.

Colosapi kaqkunaman 3:2

Altopi kaqkunapi yuyaymanaychik, ama kay pachapa kaqninkunapichu.

1 Juampa 2:15, 16

Ama kuyaychikchu kay pachata, nitaq kay pachapi kaqkunatapas. Pipas kay pachata kuyaptinga, manam paypichu Taytapa kuyakuynin. Kay pachapi llapa kaqkunaqa, aychapa sinchi mu-

naynin, ñawipa sinchi munaynin, kawsaymanta alabakuy ima kaqqa, manam Taytamantachu, aswan kay pachamantam.

Titoman 2:11, 12

Llapallan runakunaman salvo kay apamuq, Diospa gracionqa, rikuriramunmi, mana Dios yupaychayta, kay pachapa kaqninkuna sinchi munayta ima negaspa, kay tiempopi yuyayniyuq kaypi, justo kaqman hina, Dios yupaychaypi kawsananchikpaq yachachiwaspanchik.

Efesopi kaqkunaman 5:11

Ama hukllawakuychikchu mana ruruq tutayaq ruraykunapi; aswanqa anyaychik ruraqta.

Chaymi Jesus contestarqa: Chiqapta, chiqaptam niyki, pipas mana musuqmanta nacemuqqa, manam Diospa reinonta rikunqachu — Juampa 3:3

2 Corintopi kaqkunaman 5:17

Chaynaqa pipas Cristopi kaqqa, musuq unanchaymi; ñawpa kaqkunam pasarun, tukuymi musuqyachisqaña.

1 Pedropa 1:23

Kawsaq, wiñaypaq seguiq Diospa siminwan, ama tukuq muhuanachu, aswan mana tukuqwan churyasqa kaspaykichik.

Ezequielpa 36:26

Musuq sunqutam qusqaykichik, ukuykichikmanmi musuq espiri-

tuta churasaq; aychaykichikmantam rumi sunquta hurqusaq; hinaspam aychamanta sunquta qusqaykichik.

1 Corintopi kaqkunaman 6:11

Kaynakunam wakinnikichik karqankichik; aswan mayllasqañam kankichik, aswan chuyayachisqañam kankichik, aswan justificasqañam kankichik Señor Jesuspa sutimpi, Diosninchikpa Espiritumpi ima.

1 Juampa 5:18

Yachanchikmi Diospa llapa churyasqanqa mana huchallikusqanta, Diospa churyasqanmi ichaqa waqaychakun, hinaptinmi mana llachpanchu mana allin.

HUCHAMAN WAÑUSQA — CRISTOPI KAWSAQ 29

Colosapi kaqkunaman 3:1-3

Cristowan kawsarichisqaña karunkichik chayqa, Diospa allinimpi maymi Cristopa tiyasqan altopi kaqkunata maskaychik. Altopi kaqkunapi yuyaymanaychik, ama kay pachapa kaqninkunapichu. Wañusqañam kan-kichikqa, kawsaynikichiktaqmi Diospi Cristowan pakasqa kachkan.

Efesopi kaqkunaman 2:1, 6

Hinaspam kawsarichisurqankichik, huchallikuykunapi huchakunapi ima wañusqa kachkap-tikichik. . . . Kuskatataq kawsarirachiwanchik, chaynallataq ti-

yarachiwanchikpas hanaq pachakunapi, Cristo Jesuspi.

1 Pedro 2:24

Paypunim huchanchikkunata kullupi aparqa, cuerpompipi, ñuqanchik huchakunaman wañuspa justo kayman kawsananchikpaq; paypa kirinwanmi sanoyachisqa karqankichik.

Romapi kaqkunaman 6:2, 11

¡Manamá! Ñuqanchik huchaman wañuqkunaqa ¿Imaynataq chaypiraqqa kawsachwan? . . . Chaynataq qamkunapas, hapikuychik huchaman wañusqa, kawsaqñataq Diosman Cristo Jesuspi.

Juampa 17:3

Kaymi wiñay kawsayqa: Qam sapallayki chiqap Diosta, hinaspa Jesucristo kachamusqaykitawan riqsiyninku.

Galaciapi kaqkunaman 6:8

Aychampaq tarpuqqa, aychanmantam waqlisqa kayta rutukunqa; espiritupaq tarpuqñataqmi, spiritumanta rutukunqa wiñay kawsayta.

Juampa 5:24

Chiqapta, chiqaptam niykichik, pipas simiy uyariq, hinaspa kachamuwaqniypi ñiqqa, wiñay kawsayniyuqmi; manam juicio-man yaykunqachu, aswanmi wañuyman kawsayman pasarun.

Romapi kaqkunaman 6:23

Huchapa pagonqa wañuymi; Diospa qukuyninmi ichaqa Señorinchik Cristo Jesuspi wiñay kawsay.

Juampa 3:14, 15

Imaynam chunniqi Moises huqarirqa machaqwayta, chaynataqmi Runamanta Naceqpas huqarisqa kanan, pipas paypi ñiq mana puchukanampaq, aswan wiñay kawsayniyuq kanampaq.

Juampa 3:36

Churipi ñiqqa wiñay kawsayniyuqmi; mana Churi kasuqmi ichaqa, mana kawsayta rikunqachu, aswanmi paypaq Diospa piñakuynin hinalla kachkan.

WIÑAY KAWSAYPA SEGURO KASQAN 31

Romapi kaqkunaman 8:16

Kikin Espiritutaqmi Diospa churin kasqanchikta testifican, espiritunchikwan kuska.

1 Juampa 3:18, 19

Churillaykuna, ama simillawanchu nitaq qallullawanchu kuyasun, aswan ruraywan chiqappi ima. Kaypitaqmi chiqapmanta kasqanchiktaqa riqsisunchik, hinaspam sunqunchiktapas paypa qayllampi convencechisunchik.

1 Juampa 4:13

Paypi ñuqanchik, paytaq ñuqanchikpi kasqantaqa kaypim yachanchik, Espiritunmanta quwasqanchikpi.

Isaiaspa 32:17

Justo kaypa rurunmi hawkayay; justicia ruraypa llamkasqanñataqmi, samakuy, wiñaypaq seguro kay ima.

Juampa 14:21

Kamachikuyniy kaqniyuqqa, hinaspa waqaychaqqa, kikin kuyawaqniymi; kuyawaqniyqa Taytaya kuyasqantaqmi kanqa, hinaptinmi ñuqa payta kuyasaq, paymantaqmi riqsichikusaqpas.

Galaciapi kaokunaman 4:6

Churi kasqaykichikraykutaqmi, Dios Churimpa Espiritunta kachamurqa sunquykichikman, Abba, Taytáy, nistin, voz huqariqta.

32 CRISTOM SUNQUPI KASPAN QUCHUKUYTA APAMUN

Salmo 16:11

**Qanmi kawsay ñanta qawachi-
wanki; qayllaykipiqa huntasqa
kusikuymi; alliqnikipiqa wiña-
wiñaypaq quchukuymi.**

Juampa 17:13

**Kunanqa qanmanmi hamuni,
hinaspam kaykunata kay pachapi
rimani, kusikuyniy kikinkupi
huntasqa kanampaq.**

Galaciapi kaqkunaman 2:20

**Cristowan kuskam chakatasqa
karuni, ichaqa kawsachkanim,
manañataqmi ñuqachu, aswan
Cristoñam kawsan ñuqapi; ku-
nan aychapi kawsasqaytañataqmi,**

**Diospa Churimpa ñiynimpi kaw-
sani, paymi kuyawarqa, hinaspam
kikillan ñuqarayku entregakurqa.**

Romapi kaqkunaman 14:17

**Diospa reinonqa manam mi-
kuychu nitaq upyaychu, aswan
justo kaymi, hawka kaymi, Chu-
ya Espiritupi kusikuypiwan.**

Efesopi kaqkunaman 3:17

**Ñiyrayku sunquykichikpi Cris-
to yachanampaq, kuyakuypi sa-
pinchasqa cimientasqa ima.**

Juampa 15:11

**Kaykunatam rimaruykichik
kusikuyniy qamkunapi kanam-
paq, qamkunapa kusikuynikichik-
taq huntakunampaqwan.**

Romapi kaqkunaman 6:16

¿Manachum yachankichik, pímampas kasukuypaq kikillaykichik criadopaq presentakuspaqa, chay kasukusqaykichikpa criadon, huchapa kaspa wañuypaq, kasukuypa kaspañataq justo kaypaq, kasqaykichikta?

2 Tesalonicapi kaqkunaman 1:7-9

Qamkuna muchuchisqamanñataq, ñuqaykuwan samakuyta, Señorinchik Jesucristo hanaq pachamanta atiyningpi kaq angelninkunawan rupariq ninapi rikurichisqa kaptin, mana Dios riqsiqkunata, Señorinchik Jesucris-

topa evangelionman mana kasukuqkunata ima vengakunampaq; kaykunam justiciata chaskinqa, wiñay tukusqa kayta, Señorpa qayllanmanta, atiyningpa qapaq kayninmanta ima hawapi.

Deutoronomio 11:26-28a

Qaway, kunanmi qamkunapa qayllaykichikpi ñuqa churani bendicionta maldiciontawan; kunan qamkunaman kamachisqay, Jehova Diosnikichikpa kamachikuyninkunata uyariptikichikqa, bendicionta; Jehova Diosnikichikpa kamachikuyninta mana uyariptikichikñataq maldicionta.

34 CRISTOMANTAQA

Filipospi kaqkunaman 2:11

Llapa qallutaq Jesucristo, Dios Taytapa qapaqchasqa kaynimpaq Señor kasqanta, declaranampaq ima.

Mateopa 10:32, 33

Pipas runakunapa qayllampi llapa declarawaqniytaqa, ñuqapas declarasaqtaqmi hanaq pachapi kaq Taytapa qayllampi; pipas runakunapa qayllampi negawaqniytam ichaqa, ñuqapas negasaq hanaq pachapi kaq Taytapa qayllampi.

Romapi kaqkunaman 10:9, 10

Simikiwan Señor Jesusta declaraspaykiqa, hinaspas sunquyki-

TESTIFICANAPUNIM

pitaq Diospa wañusqakunamanta kawsarichimusqanta ñispaykiqa, salvasqam kanki. Sunquwanqa ñina justo kaypaqmi; simiwan ñataqmi declarana salvasqa kaypaq.

Lucaspa 9:26

Pipas ñuqamanta, simiykunanmantawan pinqakuqmantaqa, chaymantam Runamanta Naceqpas pinqakunqa, kikimpa, Taytapa, chuya angelkunapa qapaq kaynimpi hamuspa.

2 Timoteoman 2:12

Aguantaspachikqa, paywan-taqmi reinasunchik; negapinchikqa, paypas negawasunchiktaqmi.

UMA KAQ ENEMIGONCHIKQA, SATANASMI 35

Efesopi kaqkunaman 6:11

Llapallan Diospa armankunawan churakuychik, supaypa artenkunapa contrampi sayayta atinaykichikpaq.

1 Pedropa 5:8

Cuidakuychik, rikchaychik; contraykichikpi kaq supayqa qaparichkaq leon hinam muyuriq-ninta purichkan millpurunanta maskastin.

Mateopa 4:1, 10, 11

Hinaptinmi Jesus, supaypa tentasqan kanampaq chunniqman Espiritupa pusasqan karqa. . . Hinaptinmi Jesus contestarqa: Anchuriy Satanas; qillqasqam kachkan: Señor Diosnikitam ado-

ranki, payllatataqmi servinki, nispa. Chaymi payta supay dejarurqa, hinaptinmi angelkuna asuykamuspa servirqa.

Apostolkunapa rurasqan 26:18

Ñawinkuta kicharimunaykipaq, chaynapi tutayaymanta kanchayman, Satanaspa munaychakuyninmantataq Diosman kutirikunankupaq; huchakuna pampachaytaq, ñuqapi iñiywan chuyayachisqakunapi herenciata chaskinankupaq ima.

2 Tesalonicapi kaqkunaman 2:9

Mana leyniyuqpa hamuyninqa Satanaspa obrayninman hinam, tukuy atiywan, señalkunawan, llulla milagrokunawan ima.

Santiagopa 4:7, 8a

Chayraykuqa Diosman kasukuychik; supaymanñataq contrapi churakuychik, hinaptinmi ayqinqa qamkunamanta. Diosman asuykukuychik, Diospas asuykukusunkichiktaqmi.

2 Tesalonicapi kaqkunaman 2:8

Hinaptinmi rikurichisqa kanqachay mana leyniyuq; kaytam Señor wañuchinqa simimpa samayninwan, hinaspa chinkachinqa rikurimuynimpa kanchariyninwan.

Romapi kaqkunaman 8:35, 37

¿Pitaq rakiwasunchik Cristopa kuyakuyninmanta? ¿Muchuychum? icha ¿kichkichaychum?

Icha ¿perseguiychum? icha ¿yarqaychum? icha ¿qalayaychum? icha ¿peligrochum? icha ¿espada-chum? . . . Aswanqa kay tukuy kaqkunapim vencenchikpuni, kay kuyawaqninchikwan.

1 Juampa 3:8

Hucha ruraqqa supaypam; supay qallariyninmanta pacha huchallikusqanrayku. Diospa Churinqa kaypaqmi rikurimurqa supaypa rurayninkunata tuñichinampaq.

2 Corintopi kaqkunaman 10:4

Peleayniykupa armankunaqa manam aychamanta kaqchu, aswan Diospi atiyneyuqmi fortalezakunata tuñichinampaq.

DISCIPULO KASQAN QAWACHIQA, KUYAKUymi 37

Galaciapi kaqkunaman 5:22, 23a

Espiritupa rurunmi ichaqa, kuyakuy, kusikuy, hawka kay, pacienciay, sumaq sunqu kay, allin-niyuq kay, ñiy, manso kay, waqaychakuy.

1 Juampa 4:20

Pipas: Ñuqam kuyani Diosta, nichkaspawawqin chiqniqqa, llullam; qawasqan wawqinta mana kuyaqqa, ¿imaynataq atinman mana qawasqan Dios kuyaytaqa?

1 Juampa 3:14

Wañuymanta kawsayman pasarusqanchiktaqa yachanchik, wawqikuna kuyasqanchikraykum. Wawqin mana kuyaqqa wañuy-pim.

Juampa 13:35

Kaypim llapallan yachanqadiscipuloy kasqaykichikta, qamkuna kuyanakuyniyuq kaptiki-chikqa.

Juampa 21:16

Kasqallantaqmi iskay kutipinirqa: Juampa churin Simon, ¿kuyawankichum? Paymi contes-tarqa: Arí, Señoríy, yachankim qam kuyasqayta. Chaymi nirqa: Ovejachaykunata michiy.

1 Corintopi kaqkunaman 13:1

Ñuqa rimayman runapa simin-kunapi angelkunapapipas, hinas-pa mana kuyakuyniyuq kaspayqa, waqraq metal hina otaq chinchin-yaq platillo hinam kani.

38 JESUCRISTOPA KAWSARISQAN

Apostolkunapa rurasqan 10:39-41

Ñuqaykutaqmi testigo kaniku, judiokunapa tupaqnimpí, Jerusalemipiwan tukuy imakuna Jesuspa rurasqanmanta; paytataqmi wañuchirqaku kaspipi warkuspanku. Paytam Dios kawsarichirqa kimsan punchawman, hinaspam rikurichirqa, manam llapallan runakunamanchu, aswan ñawpaqmanta Diospa akllasqan testigokunamanmi, wañusqakunamanta kawsariramuptin ñuqayku paywan kuska mikuq upyaqkunamanmi.

Juampa 20:26-28

Huknin pusaq punchawmanmi, huktawan discipulonkuna ukupi

kachkarqa, Tomaspas paykunawantaq. Hinaptinmi Jesus, punkukuna wichqasqa kachkaptin hamururqa, paykunapa chawpimpí sayaykuspantaqmi nirqa: Hawkayay qamkunapaq kachun. Hinaspam Tomasta nirqa: Kayman dedoykita apamuy, qaway makikunata; makikita apamuy, hinaspa waqtayman hinaykuy; amamana ñiyniyuqchu kay, aswan ñiyniyuq. Tomasmi contestarqa ¿Señorníy, Diosnáy! nispa.

Romapi kaqkunaman 4:25

Paymi huchallikuyninchikku-narayku entregasqa karqa, hinaspam kawsarichisqa karqa justifikasqa kananchikrayku.

KAWSARIMUYMI QAPAQCHASQA CONFIANZANCHIK

39

Romapi kaqkunaman 6:3-5

¿Icha manachum yachankichik, llapallanchik Cristo Jesuspi kananchikpaq bautizasqa kaqkuna, wañuynimpi kananchikpaq bautizasqa kasqanchikta? Bautizasqa kasqanchikwanmi, paywan kuska pampasqa karqanchik wañuypi kananchikpaq, Taytapa qapaq kayninwan Cristopa wañusqakunamanta kawsarichisqa kaynimpina, ñuqanchikpas kawsaypa musuq kaynimpi purinanchikpaq. Paypa wañuynimpa rikchakuqninman hina, paywan hukllawas-

qa kaspanchikqa, kawsariynimpipas kasunchiktaqmi.

Juampa 5:25 y 28, 29

Chiqapta, chiqaptam niykichik, tiempom hamuchkan, kunanmi, chay, Diospa Churimpa vozni-wañusqakunapa uyarinan; uyariqkunañataqmi kawsanqa. Kayman-taqa ama admirakuychikchu; llapallan sepulturapi kaqkunapa paypa vozni uyarinanku tiempom hamunqa, hinaspam allin ruraqkunaqa llusqsimunqa kawsaypaq kawsarimuyman; mana allin ruraqkunañataqmi juicio-paq kawsarimuyman.

2 Timoteoman 2:21

Chaynaqa, huk kaq kaykunamanta limpiakuspaqa, yupaychasqa kaypaq vasom kanqa, chuyayachisqa, Señorpa servichikunan, llapa allin ruraypaq preparasqa ima.

Efesopi kaqkunaman 1:4

Paypa qayllampi kuyakuypi chuya, mana faltayuq kananchikpaq, manaraq kay pacha unanchasqa kachkaptin paypi akllawasqanchikman hina.

1 Pedroman 1:2

Kasukuypaq, Jesucristopa yawarninwan chaqchusqa kaypaq, Espiritupa chuyayachisqa, Dios

Taytapa ñawpaqmanta riqsiyninman hina akllasqakunaman: Gracia hawkayanintin mirachisqa kachun qamkunaman.

1 Pedroman 1:15

Aswan qayasuqnichikpa chuya kasqanta hina, qamkunapas chuya kaychik tukuy comportakuynichikpi.

2 Corintopi kaqkunaman 7:1

Chaynaqa, kuyasqaykuna, kayna promesakuna kapuwachkaptinchikqa, limpiakusunchik aychapa espiritupa ima llapa qanranmanta, Dios manchakuypi chuya kayta huntarachispa.

Hebreokunaman 13:12

Chayraykum Jesuspas, runakunata kikimpa yawarninwan chuyayachinampaq, ñakarirqa punkunanta hawapi.

1 Juampa 1:9

Huchanchikkunata declarantin-chikqa, payqa confianam justo imam huchanchikkunata pampachawananchikpaq, llapa mana justo kayninchikmanta limpiawananchikpaqpas.

Isaiaspas 35:8

Chaypim kanqa calle, ñan ima, hinaptinmi Chuyayay Ñanwan sutichanqaku; chaynintaqa manam ima millaypas pasanqachu, aswanmi kikimpuni paykunawan

kanqa, kay ñannin puriqqa, maynaña upa kaspapas, manam pantanqachu.

Mateopa 3:11

Ñuqaqa, chiqappim bautizaykichik yakupi, arrepientikuypaq; qipay hamuqmi ichaqa ñuqamanta aswan atiyuniyuq, ñuqaqa manam sandaliallampas apaq hina-chu kani; paymi bautizasunkichik Chuya Espiritupipas ninapipas.

Lucaspa 1:74, 75

Kaymi enemigonchikpa makin-kunamanta librasqa, mana manchakuspa, paypa ñawpaqnimpi, chuya kaypi, justo kaypi ima, lliw kawsananchik punchawkunakama servinanchikpaq quy.

42 ESPIRITUWAN HUNTASQA RUNAKUNA

Apostolkunapa rurasqan 1:8a
Qamkunaman Chuya Espiritu hamuptinmi ichaqa chaskinkichik atiyta, hinaspam testficapuwaniy kankichik.

Apostolkunapa rurasqan 13:52
Discipulokunañataqmi kusikuywan, Chuya Espirituwan huntasqa karqaku.

Apostolkunapa rurasqan 11:24
Bernabeyqa karqa Chuya Espirituntin ñiynintin huntayuq allin qarim. Hinaptinmi achkallaña runakuna Señorman yapasqa karqa.

Ezequielpa 36:27

Hinaspam ukuykichikpi churasaq Espirituyta, decretoykunapi

purinaykichikpaq, justo kaykuna waqaychanaykichikpaq, rurayman churanaykichikpaq imam rurasaq.

Apostolkunapa rurasqan 4:31
Ruegakuruptinkum, huñunasqa kasqanku sitio kuyurichisqa karurqa, hinaptinmi llapallanku Chuya Espiritupa huntasqan kaspa, confianzawan Diospa siminmanta rimarqaku.

Romapi kaqkunaman 8:9
Qamkunam ichaqa mana aychapichu kachkankichik, aswan Espiritupim, Diospa Espiritun qamkunapi yachaptinqa. Pipas mana Cristopa Espiritun kaqniyuqqa, manam paypachu.

Salmo 37:3

Jhovaman confianzaykita churaspam, allinta ruray; hinaspam kay pachapi yachanki, chiqap kaqmantapas mikuykunki.

Salmo 34:18

Ñutusqa sunquyuqkunapaqqa Jehovaqa chayllam kachkan; hinaspam espíritunmanta riqsikuqkunata salvan.

1 Pedropa 4:12, 13

Kuyasqaykuna, ama extrañopaqchu hapinkichik pruebasqa kaynikichikpaq qamkunapi nina kaptinqa, ima extrañopas pasarusunkichikman hina; aswanqa kusikuychik Cristopa ñakariyninkuna chaskiqmasin kasqaykichik-

man hina, qapaq kaynin rikurichiykipas quchukuyllawanña kusikunaykichikpaq.

Rikurichisqa 21:4

Chaymi Dios pichanqa paykunapa ñawinmanta llapa wiqita; manañam kanqachu wañuy, manañataqmi kanqachu lamentakuypas, awllaypas, nitaq nanaypas, ñawpaq kaqkuna pasarusqanrayku.

Isaiaspa 66:2

Makiymi tukuy kaykunata rurarqa, chaynatam tukuy kaykuna karqa, ninmi Jehova; ichaqa kay wakcha espíritunmanta humillaquqta, hinaspam simiyman katkatataqtam ñuqa qawarisaq.

Isaiaspa 43:2

Yakunkunata pasaptikim, ñuqa qanwan kasaq; mayukunapas manam biqipachisunkichu. Ninankunata pasaspam, mana kañakunkichu, nitaqmi ninapas rupa-sunkichu.

Romapi kaqkunaman 16:20

Hawkayay Diostaqmi chaylla chaki pampaykichikpi ñutunqa Satanasta. Señorninchik Jesucristopa gracion qamkunawan kachun.

1 Corintopi kaqkunaman 10:13

Manam, mana runamanta kaq tentasqa kaychu hapirusunkichik; aswan Diosqa confianam, mana atinaykichikmanta astawan prue-

basqa kanaykichiktaqa manam dejasunkichikchu; aswanmi pruebasqa kaywan kuskata llusqiyta ruranqa, aguantay atinaykichikpaq.

Salmo 34:19

Achkam justopa ñakarishqankuna, ichaqa llapanmantam Jehova libranqa.

Hebreokunaman 2:18

Tentasqa kaspan kikin ñakarichkaspapa, atiyuniyuqmi tentasqakunata yanapanampaq.

Romapi kaqkunaman 8:28

Yachanchiktaqmi tukuy imakunapas, propositoman hina qayasqakuna, Dios kuyaqkunapa allinnimpaq llamkaysisqanta.

Rikurichisqa 21:7

Venceqqa tukuy imatam herenciapi chaskinqa; hinaptinmi paypaq Diosnin kapusaq, paypas churiytaq kapuwanqa.

Rikurichisqa 3:5

Kay venceqqa chayna yuraq pachawanmi churasqa kanqa; hinaspam sutinta kawsay libromanta manapuni borrasaqchu, sutintapas declarasaqtaqmi Taytaypa angelninkunapa ima qayllampi.

Rikurichisqa 3:12

Kay venceqtaqa ñuqam rurasaq Diosniypa santuariompi sostieneqta, hinaptinmi manapuniña llusinqachu hawamanqa; hinas-

pam qillqasaq paypa hawampi Diosniypa sutinta, Diosniymanta hanaq pachamanta uraykamuq musuq Jerusalen kaq Diosniypa llaqtampa sutintapas, musuq sutiytawan.

Rikurichisqa 3:21

Kay venceqmanqa qusaqmi ñuqawan tronopi tiyakuyta, ñuqapas vencespay Taytaywan tronompi tiyakuykusqayta hina.

Rikurichisqa 2:7

Rinriyuq kaqqa uyarikuchun iglesiakunaman Espiritupa nisqanta. Kay venceqmanmi qusaq Diospa paraisompa chawpimpi kawsay sachamanta mikunampaq.

46 RAKINAKUYMANTAM DIOS RIMAWANCHIK

Romapi kaqkunaman 7:2, 3

Señoraqa kawsaq qusanmanmi leypa watasqan; qusa wañuruptinmi ichaqa, qusapaq leymenta kacharisqa. Chaynaqa, qusa kawsachkaptin, huk qaripa karuspaqa, waqllikuqwanmi sutichasqa kanqa; qusa wañuruptinmi ichaqa, leymenta librasqa; chaynaqa manañam waqllikuqchu, huk qusapaña rikurispapas.

**1 Corintopi kaqkunaman
7:10, 11 y 39**

Casarasqakunatañataqmi kamachini, manam ñuqachu aswan Señormi: Ama señora qusanmantararikuchunchu. Rakikuruspaqa, mana casarasqa qipachun,

otaq qusanwan allimpachun; qusanñataq ama dejachunchu señoranta. . . Señoram leyman watasqa, qusan kawsanankama; qusan wañuruptinñataqmi, libre; munasqanwan casarakuchun, ichaqa Señorllapi.

Lucaspa 16:18

Llapa warmin wischuq, hukwan casarakuqqa waqllikunmi; qusapa wischusqanwan casarakuqpas waqllikuntaqmi.

Mateopa 5:32

Ñuqañataqmi niykichik, pipas mana huchapakuchkaptin warmin wischuqqa, paytam waqllikuymanchuran; pipas wischusqawan casarakuqñataqmi, waqllikun.

Mateopa 24:27

Imaynam relampago intipa lluqsimunam lawmanta lluqsimuspa rikuchikun, intipa yaykunan lawkama, chay hinam kanqa Runamanta Naceqpa rikurimuyninqa.

Marcospa 8:38

Pipas ñuqamanta simiykunamantawan kay waqllikuq huchasapa miramuypi pinqakuqmantaqa, chaymantam Runamanta Naceqpas pinqakunqa, Taytampa qapaq kaynimpi chuya angelkunapiwan hamuspa.

Mateopa 24:30

Hinaptinmi Runamanta Naceqpa señalnin cielopi rikurinqa,

chaymi llapallan kay pacha ayllukuna qaparkachanqa, hinaspam Runamanta Naceqta rikunqaku, cielo puyukunapa hawampi atiywan, sinchi qapaq kaywan hamuchkaqta.

Juampa 14:3

Rispay, qamkunapaq sitiota-wan preparamuspayqa, kasqallanmi hamusaq, hinaspam kikiypaq chaskisqaykichik, maypim kasqaypi qamkunapas kanaykichikpaq.

Santiagopa 5:8

Qamkunapas pacienciaykuychik, sunquykichikta firmeyachispaykichik; Señorpa rikurimuyninqa hichparamunñam.

Mateopa 16:27

Runamanta Naceqqa Taytapa qapaq kaynimpim hamunampaq kachkan angelninkunapiwan, hinaspam sapakamaman qupunqa rurayninkunaman hina.

1 Juampa 3:2

Kuyasqaykuna, kunanqa Diospa churinmi kanchik, manaraqtaqmi rikurinchu imam kananchik; yachanchikmi, rikurichisqa karuptinqa, payman rikchakuq kananchikta, paypa imaynam kasqanta qawananchikrayku.

Rikurichisqa 16:15

Qaway, suwa hinam hamuchkani; kusikuyniyuqmi rikchaq,

pachan waqaychaq, mana qalalla purinampaq, pinqaypaq kaqninta mana qawanankupaq ima.

Apostolkunapa rurasgan 1:11

Hinaspam nirqa: Galileamanta qarikuna, ¿Imanasqataq cielota qawastin sayachkankichik? Kay, qamkunamanta hanaq pachaman huqarisqa Jesusmi, hanaq pachaman risqan qawasqaykichik hinallatataq kutimunqa.

Lucaspa 21:27

Hinaptinmi qawanqaku Runamanta Naceqta, huk puyupi atiywan sinchi qapaq kaywan ima hamuchkaqta.

DIOSPA SIMIN

Lucaspa 21:33

Cielowa kay pachawanmi pasanqa; simiykunam ichaqa manapuní pasanqachu.

Salmo 119:105

Simillaykiqa huk antorcham chakillaypaq, huk lamparataqmi ñannillaypaq.

2 Timoteoman 3:16

Llapa qillqaqa Diospa pukuriy-kusqanmi yachachinapaq, anyanapaq, correginapaq, justo kaypi disciplinanapaq ima servikuq.

2 Pedroa 1:21

Profetizayqa manam imay tiempopipas runapa munayninwanchu hamurqa, aswanqa Diosmanta kaq chuya runakunam ri-

marqa Chuya Espiritupa pusanqan.

Deuteronomio 4:2

Kamachikusqay simimanqa amam yapankichikchu, chaymantaga amataqmi menosyachinkichikchu, ñuqapa kamachisqay Jehova Diosnikichikpa kamachikuyninkunata waqaychanaykichikpaq.

Santiagopa 1:22

Simipa nisqan ruraq kaychik, ama kikillaykichik engañospa uyariqlachu.

Salmo 119:11

Nisqaykikunatam sunqullaypi waqaycharuni, contraykipi mana huchallikunaypaq.

This booklet is published for free distribution as the Lord provides the means. If you wish more copies, write to the address below and state how many you can wisely use.

**WORLD MISSIONARY PRESS, INC.
P.O. Box 120
New Paris, Indiana 46553 USA**

Peru

QVY

140 Ayacucho Quechua
Printed in USA

6